



05, 2012 19:13 PM

[Beli Berita Ini](#)[News](#) | [Who's Who](#)

Operator Air Dicadang Dikawal Di Bawah Akta Industri Perkhidmatan Air 2006

KUALA LUMPUR, 5 Jan (Bernama) -- Persatuan Penyelidikan Air dan Tenaga Malaysia (AWER) mencadangkan agar semua operator air dikawal di bawah Akta Industri Perkhidmatan Air 2006 (WSIA).

Presidennya S. Piarapakaran berkata langkah ini akan membolehkan pencapaian Indeks Pencapaian Utama (KPI) dan Pelan Pengurangan Air Tanpa Hasil Negara (NRW) diadakan untuk mencapai paras 20 peratus NRW pada 2020.

"KPI mestilah juga untuk pegawai Suruhanjaya Perkhidmatan Air Negara (SPAN) dan Menteri Tenaga, Teknologi Hijau dan Air (KeTTHA) bagi memastikan pelan ini disediakan untuk seluruh negara.

"Tidak guna ada agensi-agensi pusat yang menyalurkan kerja ini kepada operator air dan tunggu keputusan tanpa perancangan teratur," katanya dalam kenyataan di sini Khamis.

Kajian itu berdasarkan statistik Panduan Industri Air Malaysia 2011, yang mendapati anggaran kehilangan pendapatan NRW adalah RM1.74 bilion.

"Jumlah pendapatan untuk sektor air pada 2010 ialah RM4,086,618 dengan anggaran kerugian pendapatan disebabkan NRW ialah hampir 42.7 peratus daripada jumlah pendapatan keseluruhan dalam sektor perkhidmatan air," kata beliau.

-- BERNAMA

**Kami menyediakan langganan
berita melalui perkhidmatan [Newswire](#).**

[Kembali](#) [Ke Atas](#)

Berita-berita Lain

[Media Di Malaysia Bebas Berfungsi, Kata Timbalan Ketua Pengarang Bernama](#)

[Polis Tetapkan 10 Syarat Untuk Penganjur, Peserta Perhimpunan](#)

[Keputusan Benarkan Penyokong Anwar Berhimpun Di Tempat Letak Kereta Mahkamah, Rasional - Zahid](#)

[Lima Lelaki Pecah Masuk Rumah Pengerusi Yayasan Pencegahan Jenayah NS](#)

[Mangsa Banjir Di Sandakan Terima Bantuan Wang Ehsan](#)

▼ iklan



▼ iklan

